

S26
38844

早部

肉蓯蓉
淫羊藿
元參

阜黃耆

地榆
天麻
人參

丹參
白朮
沙參

紫
蒼朮
桔梗

狗脊
薺
薺

第四本



本草述卷之七上

潛江劉若金先生著

武進薛恮秉之氏校訂

山草部

甘草

術苦參乾漆爲之使惡遠志反大戟芫花甘遂海藻

氣味甘平無毒

宗奭曰生則微涼味不佳炙則

溫海藏曰氣薄味厚升而浮陽也入足太陰厥

陰經時珍曰通入手足十二經主治和諸藥

治臟腑寒熱邪氣補正氣解諸味及藥毒生用

瀉火熱熟用散表寒去咽痛除邪熱緩正氣養陰

血補脾胃潤肺

東垣

生則平分身梢而瀉火炙則

溫健脾胃而和中

藥性賦

甘而緩故能瀉熱而補

陽甘緩善解諸急故即舒陽以裕陰是所謂治諸

經急痛又云補血不足用甘草

雜述

吐肺痿之膿

血消五發之瘡疽

海藏

東垣曰甘草氣薄味厚可

升可降陰中陽也陽不足者補之以甘甘溫能除

大熱故生用則氣平補脾胃不足而大瀉心火灸

之則氣溫補三焦元氣而散表寒除邪熱去咽痛

緩正氣養陰血

陽虛之熱則宜甘溫陰虛之火則宜甘寒兩者或誤去之遠矣東垣

先生用甘溫以緩正氣養陰血的爲精詣凡心火誤者用以療陰虛血衰則亦失之遠矣

乘脾腹中急痛腹皮急縮者宜倍用之其性能緩

急而又協和諸藥使之不爭故熱藥得之緩其熱
寒藥得之緩其寒寒熱相雜者用之得其平
藏曰五味之用苦泄辛散酸收鹹斂甘上行而發
而本草言甘草下氣何也蓋甘味主中有升降浮
沉可上可下可外可內有和有緩有補有泄居中
之道盡矣張仲景附子理中湯用甘草恐其僭上
也調胃承氣湯用甘草恐其速下也皆緩之之意
非和也小柴胡湯有柴胡黃芩之寒人參半夏之
溫而用甘草者則有調和之意建中湯用甘草以
補中而緩脾急也鳳髓丹用甘草以緩腎急而生

元氣也乃甘補之意又曰甘者令人中滿中滿者
勿食甘甘緩而壅氣非中滿所宜也凡不滿而用
炙甘草爲之補若中滿而用生甘草爲之瀉能引
諸藥直至病所甘味入脾歸其所喜此升降浮沉
之理也經云以甘補之以甘瀉之以甘緩之是矣
頌曰按孫思邈千金方論云甘草解百藥毒如
湯沃雪有中烏頭巴豆毒甘草入腹卽定驗如反
掌方稱大豆汁解百藥毒予每試之不效加入甘
草爲甘豆湯其驗乃奇也 嘉謨曰用此方救中
砒毒者及百餘人 希雍曰甘草味甘氣平無毒

正稟土中沖和之陽氣以生故別錄稱之爲九土
之精可升可降陰中陽也 諸毒遇土則化甘草
爲土精故能化毒解一切邪氣佐黃耆防風能運
毒走表爲痘疹氣血兩虛者首尾必資之劑 得
白芍藥則補脾甲已化土故也 同人參黃耆白
朮大棗當歸身麥門冬加升麻柴胡爲補中益氣
藥專理饑飽勞役內傷陽氣下陷發熱 同人參
乾薑肉桂則溫中 同麥門冬蘇子枇杷葉則下
氣 同黃連芍藥升麻滑石解熱毒滯下 同桔
梗玄參鼠黏子栝樓根清利咽喉虛熱 同人參

本草通串卷之十一
三 遺讀山房
菖蒲益智龍眼肉遠志治健忘 同麥門冬石膏

竹葉知母除煩悶燥渴頭疼解肌 同黃連木通

赤芍藥生地黃瀉心經有餘之火 同預知子貫

衆解一切蠱毒 炙則補傷寒病瘥後血虛

愚按藥味之甘者多矣乃茲種獨以甘擅名蓋別

錄謂其爲九土之精能治七十二種乳石毒解一

千二百般草木毒調和諸藥有功也是瀕湖所謂

贊帝力而人不知斂神功而已不與者乎是一和

足以槩衆美矣第就和之中其功有緩而緩之中

其功又有瀉就緩瀉之中其功更有補也如東垣



所云脾胃不足而心火乘脾。火性苦急，賴此緩之。此火非可以苦寒瀉，卽以甘平而和緩者瀉之。炙則爲甘溫，卽以甘溫補陽之不足矣。此甘草於和諸藥中，而先哲洗發其專功。又有如是也。抑脾胃不足，何以心火乘脾乎？蓋後天陽氣之原出於胃，雖土以火爲母，而心火更以土爲化原。脾胃虛則心火之化原竭，故母反索救於子以乘脾也。心火乘脾，陽不能生陰，而反屬陰，故甘溫能緩正氣，卽以養陰血，是又可通於養心血之義也。東垣其醫中之聖乎。

附方

肺痿吐涎沫頭眩小便數

而不咳者肺中冷也甘草乾薑湯溫之甘草炙四兩乾薑炮二兩水三升煮一升五合分服
久嗽涕唾多骨節煩悶寒熱以甘草三兩炙搗末每日取小便三合調甘草末一錢服之

梢 主治生用治胸中積熱去莖中痛加酒煮立

胡索苦楝子尤妙

元素

丹溪曰生甘草大緩諸火

邪但用於下焦宜梢子若槩用恐太緩不能達也

頭 主治生能行足厥陰陽明二經汚濁之血消

腫導毒

震亨

宜入吐藥

時珍

希雍曰甘能緩中故中滿者忌之
嘔家忌甘酒家



亦忌甘諸溼腫滿及脹滿病咸不宜服 皇甫嵩
曰諸解利藥宜少用恐緩而少效卽補藥中亦不
宜多用恐戀膈不思食脾虛者固宜用之若脾胃
氣有餘及腫脹與痢疾初起皆不可用

修治 以大徑寸而結緊橫有斷紋者佳炙者用
長流水蘸溼炙之至熟刮去赤皮

黃耆 一作黃芪 茯苓爲之使惡龜甲白鮮皮

盧之頤覈曰出蜀郡漢中今不復采惟白水原州
華原山谷者最勝宜寧二州者亦佳春生苗獨莖
叢生去地二三寸作葉扶疎狀似羊齒七月開黃

紫色花結小尖角長寸許八月采根長二三尺緊

實若箭幹皮色黃褐折之柔韌音忍堅柔如綿肉難斷也

理中黃外白嚼之甘美可口若堅脆味苦者卽昔

菹根也勿誤用別說黃芪本出綿上者爲良蓋以地產言也若以柔韌如綿爲綿而

僞者亦柔韌但當以堅脆而味苦者爲別耳木耆草形類真相似只是

生時葉短根黃耳

根氣味甘微溫無毒 潔古曰味甘氣溫平氣薄

味厚可升可降陰中陽也入手足太陰氣分又人

手少陽足少陰命門 又曰黃耆甘溫純陽諸本

草主治益肺氣溫分肉實皮毛間腠理虛大補表



之元氣虛弱通和陽氣利陰氣泄火邪能活血脈
生血助胃氣益三焦元陽補五臟諸虛不足丈夫
虛損羸瘦虛喘腎衰耳聾瀉痢久腸風老人氣虛
腸悶更治虛煩肌熱虛勞自汗盜汗若表虛有邪
發汗不出服之自汗并內托陰疽排膿止痛長肉
生肌爲瘡家聖藥治女子月候不勻血崩帶下胎
前產後氣耗血虛療小兒百病 方書主治虛勞
消痺中風著痺自汗下血頭痛脚氣悸淋傷勞倦
吐血咳嗽血痺攣黃疸傷暑瘧鼻衄心痛胃脘痛
驚盜汗滯下赤白濁惡寒往來寒熱水腫溲血腹

痛腰痛破傷風不能食大便不通發熱厥痞諸見
血證痺痿鶴膝風顫振眩暈虛煩身重泄瀉小便
不通遺精疝 此以用之多少分先後 東垣曰
靈樞云衛氣者所以溫分肉而充皮膚肥腠理而
司開闔黃耆補三焦實衛氣與桂同功特比桂甘
平不辛熱爲異耳但桂則通血脈能破血而實衛
氣耆則益氣也又黃耆與人參甘草三味爲除躁
熱肌熱之聖藥脾胃一虛肺氣先絕必用黃芪溫
分肉益皮毛實腠理不令汗出以益元氣而補三
焦 好古曰黃耆治氣虛盜汗并自汗及膚痛是

皮表之藥治咯血柔脾胃是中州之藥治傷寒尺
脈不至補腎臟元氣是裏藥乃上中下內外三焦
之藥也文清曰東垣云溫分肉而實腠理益元
氣而補三焦蓋補肺皮毛自實治上焦虛喘短氣
皆瀉肺中火也中焦脾胃虛弱脈弦血脈不行羸
瘦腹痛下焦久瀉痢腸風崩帶月事不勻復曰
黃耆一名戴糝戴堪百本戴在首如衛氣出目行
頭自土而下從外而內百骸百脈咸衛外而固矣
又云耆可久可速能知衛氣出入之道路便了
知黃耆之功用矣按衛出下焦其行始於睛明

穴故此云然凡五臟六腑之精陽氣皆上走於目而爲睛 嘉謨曰參耆俱補益虛損但人參唯補元氣調中黃耆兼補衛氣實表如共劑而用須別主輔凡內傷脾胃發熱惡寒怠惰嗜臥嘔吐洩泄及脹滿痞塞形羸力乏脈微神短者參爲君耆爲臣若表虛而自汗盜汗漸至亡陽諸潰瘍多耗膿血嬰兒痘疹未灌全漿一切陰毒不起之疾治之又須實衛護營當以耆爲君參爲臣合宜而用勿執一也 杲曰小兒外物驚宜用黃連安神丸鎮心藥若脾胃寒溼吐腹痛瀉痢青白宜用益黃散

黃

耆

本草

卷之七

山草部上

人

黃耆

藥如脾胃伏火勞役不足之證及服巴豆之類胃
虛而成慢驚者用益黃理中之藥必傷人命當於
心經中以甘溫補土之源更於脾土中以甘寒
火以酸涼補金使金旺火衰風木自平矣今立黃
耆湯瀉火補金益土爲神治之法用炙黃耆二錢
人參一錢炙甘草五分白芍藥五分水一大盞煎
半盞溫服按李東垣先生因證處方深有妙理
後學宜細求之宗奭曰防風黃耆相須而行如
唐時柳太后病風不能言脈沉口噤許胃宗製黃
耆防風湯數斛於牀下蒸之藥入腠理周時而瘥

東垣曰防風能製黃耆黃耆得防風其功愈大乃
相畏而相使也 戴原禮曰黃耆助真氣者也勝
風載黃耆助真氣以周於身者也亦有治風之功
焉許腎宗治柳太后中風口噤合二味以煎熏者
是一證也 希雍曰黃耆秉天之陽氣地之沖氣
以生故味甘微溫而無毒氣厚於味可升可降陽
也入手陽明太陰經 黃耆在補中益氣湯甘溫
能除大熱爲治勞倦發熱之要劑 同生熟地黃
黃芩黃芩黃連當歸加酸棗仁炒熟研爲治陰虛
盜汗之正法 本方去三黃加人參五味子酸棗

